

Mazarin

2827

Le Pot Avx Roses Descouvert

**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL**

Mazarin
2827

UNIVERSITY OF N.C. AT CHAPEL HILL



00023007381

95

N.º 14.

20

L E
P O T
A V X
R O S E S
DESCOVERT.

Nov. B. XXIV. n.º 100 —

— B. XXXVI. n.º 49.



A PARIS,
Chez JEAN BRUNET, rue neuve S.
Louys, au Canon Royal, proche le Palais.

M. DC. XLIX.

27

LE
POT
AUX
ROSES
DESCOVERT.




A PARIS
Chez JEAN BRUNET, Imprimeur
Louvres, au Canon Royal, proche le Palais

M. DC. XLIX.



LE POT AUX ROSES DESCOUVERT.

 L y a long temps que la France n'a ressenty que des espines, & si les printemps luy ont apporté des bouquets de roses, elles ont esté de peu de durée, n'ayant point eu le secret d'en conseruer pour les hyuers. Ce Royaume qui porte des fleurs pour son Blason, voit que ceux qui ont interest à la conseruation de ses lys, les arrachent ou souffrent que les estrangers y mettent la main pour les ternir. Il en est de ces fleurs comme de ces simples qu'on peut appeller vergongneux, d'autant qu'elles resserrent leurs feuilles, comme si elles estoient honteuses de se laisser voir, & mesme on peut dire que la veuë ou l'haleine de ces personnes leur est funeste, en leur communiquant vne espece d'air empoissonné. Mais en recompense, il semble que Dieu qui prend vn soin

particulier de cét Estat , a permis que nos tyrans se soient aueuglez dans leurs iniustes pretensions. C'est en cela qu'on peut remarquer euidentement la verité de ce Prouerbe Espagnol, *da dios alas a la hormiga*, parague se pierda mas ayna. C'est à dire que Dieu donne des ailles à la fourmy afin qu'elle se perde plustost. Il a permis que par vne souffrance vn peu honteuse pour nous , les estrangers se soient meslez dans le gouuernement des affaires d'vn Estat qui leur deuoient estre entierelement inconnuës. On peut dire qu'il en est d'eux , ainsi que de ces mauuais hostes qui mettent le feu dans la maison où ils ont esté logez. Pour peu que ces personnes eussent de sens commun , elles se souuiendroient ce me semble de ce que dit agreablement l'Espagnol , *quanto mayor es la ventura , tanto es menos segura*, tant plus est grande la fortune , tant moins elle est seure. Ce qui est encore le plus à craindre , c'est qu'on peut dire d'eux ce qu'a dit vn Satyrique.

Scire volunt secreta domus , atque inde timeri.

C'est pourquoy il est tres dangereux d'admettre au gouuernement des ministres dont la probité ou la science n'ont point esté esprouuées.

esprouuées. L'on n'entre qu'en tremblant
dans vn vaisseau qui est exposé sur vne mer
orageuse & pleine de bancs & d'écueils, si l'on
n'est bien asseuré de l'adresse du maistre Pi-
lote. La conduite des Estats est infiniment
plus difficile que celle des nauires, les tempe-
stes y sont plus frequentes que sur les mers,
& c'est en biaisant qu'on obtient des peuples
ce qu'on n'emporteroit pas par la violence.
On ne vient pas à bout de toutes les nations
par les mesmes maximes, & particulierement
dans la France où celles de Machiauel ne sont
point de mises. Il en est des Royaumes com-
me les corps, dont les vns se guerissent par la
saignée, & les autres par des purgations dou-
ces, & certes ce seroit tout perdre si vn Mini-
stre chez nous vouloit imiter ce Proconsul
qui donnoit le nom d'action Royale, d'abol-
lir trois cens testes en vn iour. Il y a mesme
de certaines conionctures où il faut fermer les
yeux aux fautes que les peuples commettent,
& il faut souuent imiter l'adresse de Tibere
qui fut le plus adroit de tous les Empereurs en
l'art de dissimuler. C'est peut estre ce qui a
fait dire autrefois, que celuy la ne sçait pas
regner, qui ne sçait pas dissimuler. Ce qui est.

vn vice chez les particuliers, est souuent vne
 vertu chez les Princes, & chez ceux qui se
 messent de la conduite des Estats. Ce n'est
 pas qu'il ny ait de certaines rencontres où
 pour le bien des Estats, il ne faille vser & du
 fer & du feu pour couper les membres garez
 par la cangrene, qui pourroit gagner iusques
 au cœur, & ruiner ainsi les Estats mesme si
 l'on ne se seruoit de ces remedes violens. C'est
 pourquoy la science, est si necessaire aux Prin-
 ces & aux Ministres. On peut comparer la
 science avec les yeux, & puis que les yeux
 sont en la teste, il faut que la science soit aux
 chefs des Republiques. Elle est presque inu-
 tile & de nul vsage dans les particuliers, & l'on
 peut dire que comme ce sont des intelligen-
 ces qui mouuent les cieux, qu'il faut que ce
 soient des intelligens qui gouernent les
 Estats. L'on a continué de comparer les
 grands aux Aigles plustost qu'aux Lyons ny
 aux Taureaux, pour nous apprendre que la
 science leur est plus vtile que la force. Si il est
 vray ce que dit vn Ancien qu'il faut que les
 grands obeissent premierement à la raison
 comme à leurs souuerains, s'ils veulent que
 leurs sujets leur obeissent, c'est asseurement

par le moyen de la science qu'on discernera ce qui est iuste, d'auec ce qui ne l'est pas, & le raisonnable d'auec l'irraisonnable. C'est par elle qu'on peut obtenir l'amitié de ses vassaux. Quant à moy ie ne voy rien de si royal que la pensée de ce Prince de Castille qui disoit souuent qu'il auoit plus de peur des imprecations de son peuple, que des armes de ses ennemis. Il me semble que ce doit estre là vne belle leçon pour ceux qui se meslent du gouuernement, & que les Roys ne peuuent rien conceuoir de plus vtile pour leur sceptre, & que c'est par de semblables instructions qu'on apprend à maintenir les Throsnes.

Dans le soin que i'ay pris d'examiner les actions de nos Ministres, i'ay remarqué que c'estoit là la pierre de leur achopement. Il semble qu'ils veuillent prendre pour leur deuize celle du meschant Prince qui pensoit assseurer sa Couronne par la crainte qn'on auroit de luy & non pas par l'amour des peuples, qui est la plus seure gerde des Monarques. Il faut que les Roys imitent les astres qui veillent cependant que nous dormons, il faut que leur travail soit l'assurance de nostre repos & de nos innocentes delices. Voila les regles que

Seneque leur impose, & certes ils n'en pou-
 uoient receuoir d'une plus belle bouche, on
 peut dire que si Neron eut voulu mettre en
 pratique ce que ce docte & sage Precepteur
 luy enseignoit, que celuy qui a esté diffamé
 par toutes les histoires eut esté vn modelle
 imitable à tous les Princes. Mais apres tout, ie
 pense auoir par ce peu de preceptes decouuert
 le Pot aux Roses, & que l'odeur de ces fleurs
 sera agreable à tout le monde.

